

UGOVOR O ZAJEDNIČKOM ULAGANJU

I OPĆE ODREDBE

Član 1.

Osnivači:

IP «KRIVAJA» d.o.o. Zavidovići, sa sjedištem u Zavidovićima, ulica Radnička 1, registrovano kod Općinskog suda u Zenici, Rješenjem broj: _____, upisana na registarskom ulošku broj: _____, ID broj: _____ zastupano po direktoru _____.

i

_____, sa sjedištem u _____, ulica _____ registrovano kod ----- suda u _____, Rješenjem broj: _____, upisana na registarskom ulošku broj: _____, ID broj: _____ zastupano po direktoru _____.

U daljem tekstu zajednički naziv za osnivače je: (Ugovorne strane, Članovi, Osnivači), ovim ugovorom utvrđuju elemente za zajedničko ulaganje.

Ugovorne strane su saglasne da zajedničko ulaganje vrše osnivanjem privrednog društva u obliku društva sa ograničenom odgovornošću (u daljem tekstu: Društvo) pod uslovima iz ovog Ugovora.

II PREDMET I CILJ UGOVORA

Član 2.

Ovim Ugovorom o zajedničkom ulaganju (o osnivanju društva sa ograničenom odgovornošću) Osnivači uređuju slijedeća pitanja:

- podaci o ulagačima (osnivačima),*
- osnovni cilj zajedničkog ulaganja,*
- firmu, sjedište i djelatnost Društva,*
- iznos osnovnog kapitala Društva i udjeli osnivača,*
- prava i obaveze osnivača,*
- podaci o zaposlenicima,*
- postupak u slučaju kada neko od osnivača ne uplati svoj ulog do ugovorenog roka ili ne ispuni drugu obavezu,*
- upravljanje Društvom,*
- posljedice neuspjelog osnivanja,*
- promjene oblika, trajanje i prestanak Društva,*
- način izmirenja troškova osnivanja,*
- rješavanje sporova i primjena ugovornog prava,*
- druga pitanja.*

Član 3.

Ugovorne strane su saglasne da je ovaj ugovor zaključen sa ciljem obnavljanja integralne proizvodnje IP “Krivaje” (primarne, polufinalne i finalne prerade drveta), za čije pokretanje prema biznis planu postoji ekonomsko opravdanje.

III FIRMA I SJEDIŠTE I DJELATNOST DRUŠTVA

Član 4.

U pravnom prometu sa trećim licima Društvo će poslovati pod firmom:

_____ d.o.o. Zavidovići

Skraćeni naziv firme: _____ d.o.o. Zavidovići.

Član 5.

Sjedište Društva je u Zavidovićima , ulica _____ .

Član 6.

*Društvo može mijenjati firmu i sjedište kada se za to steknu određeni uslovi.
Odluku o promjeni firme i sjedišta Društva donose osnivači Društva.*

Član 7.

Društvo će obavljati osnovne djelatnosti za koje je do osnivanja ovog Društva bila registrovana IP "Krivaja" d.o.o. Zavidovići, za koje ima odobrenja nadležnih organa za njihovo obavljanje.

Djelatnosti Društva prema Odluci o klasifikaciji djelatnosti BiH ("Službeni glasnik BiH", broj 84/06) su:

_____

Član 8.

Društvo će obavljati spoljnotrgovinski promet, i to:

- vanjska trgovina prehrambenim proizvodima uvoz - izvoz,
- vanjska trgovina neprehrambenim proizvodima uvoz - izvoz.
- usluge vanjskotrgovinskog prometu u okviru registrovane djelatnosti Društva.

Član 9.

Osnivači mogu posebnom odlukom mijenjati djelatnosti i poslove spoljnotrgovinskog prometa utvrđene u članu 7. i 8. ovog Ugovora.

Član 10.

Društvo može bez upisa u registar društava obavljati i druge poslove koji se uobičajeno vrše uz djelatnosti upisane u registar društava, u obimu i na način koji su neophodni za poslovanje a ne predstavljaju obavljanje tih poslova kao redovne djelatnosti.

Član 11.

Društvo obavlja svoje djelatnosti u sjedištu i van sjedišta Društva.

Društvo može osnovati podružnice van sjedišta Društva (predstavništva, poslovnice, pogone i sl.).

Član 12.

Pravni subjektivitet u pravnom prometu ima samo Društvo kao jedinstvena cjelina. Organizacione jedinice Društva u pravnom prometu ne mogu nastupati u svoje ime i za svoj račun.

Odluku o osnivanju podružnica donose osnivači Društva u skladu sa Statutom Društva.

Član 13.

Društvo u pravnom prometu sa trećim licima odgovara cjelokupnom imovinom.

Osnivači Društva odgovaraju za obaveze Društva do visine uloženih sredstava.

IV OSNOVNI KAPITAL DRUŠTVA I UDJELI ČLANOVA DRUŠTVA

Član 14.

Osnovni kapital Društva iznosi _____ KM (slovima: _____) i to : ulog u novcu u iznosu _____ KM i ulog u stvarima u iznosu _____ KM.

Član 15.

A. _____ ima obavezu uplatiti u novcu _____ KM, što čini _____ % osnivačkog kapitala Društva.

Ulog u novcu deponuje se na ime Društva kod _____ banke sa naznakom “ iznos uloga u novcu za osnivanje d.o.o. ”.

Uplatu iz prethodnog stava _____ će izvršiti na dan potpisivanja ugovora o osnivanju društva kod ovlaštenog notara.

B. IP “Krivaja” d.o.o. Zavidovići ima obavezu unijeti u osnovni kapital nekretnine, postrojenja i opremu (koja će biti utvrđena prilikom izrade prijedloga ugovora o zajedničkom ulaganju).

Član 16.

Ugovorne strane (osnivači Društva) prihvataju i potvrđuju potpisom ovog ugovora vrijednost uloga u stvarima kako je data u Procjeni iz Anex-a broj 1, a na koju je saglasnost dala Vlada Federacije BiH- Federalno ministarstvo energije, rudarstva i industrije .

Član 17.

Članovi Društva stiču udio u osnovnom kapitalu Društva srazmjerno njihovom učešću u osnovnom kapitalu Društva.

Svaki član ima po jedan udio u Društvu i to:

1. _____ u visini od _____ KM ili _____ % osnovnog kapitala Društva

2. IP «Krivaja» d.o.o. Zavidovići u visini od _____ KM ili _____ % osnovnog kapitala Društva

Član 18.

Vlasništvo nad nekretninama koje se unose u Društvo mora biti upisano u zemljišnim knjigama na ime ulagača i za njih se uz procjenu vrijednosti uloga unosi klauzula intabulandi.

Potpisom ovog ugovora ulagač- vlasnik nekretnine prihvata klauzulu intabulandi pa je ovaj ugovor dovoljan pravni osnov te za prijenos vlasništva i upis u zemljišnu knjigu na novoosnovano Društvo.

Nekretnine koje se unose kao ulog mogu biti opterećene hipotekom. Vrijednost opterećene nekretnine u procjeni umanjuje se za iznos hipoteke.

Stvari koje se unose kao ulog ako ih prate isprave- uz njih se predaju odgovarajuće isprave. Stvari koje se unose u Društvo mogu biti opterećene založnim pravom što se uzima u obzir prilikom procjene vrijednosti.

V PRAVA I OBAVEZE ČLANOVA-OSNIVAČA

Član 19.

Članovi Društva imaju pravo i obavezu da uplate i unesu ulog u Društvo kako je to definisano ovim ugovorom.

Član 20.

Članovima Društva srazmjerno ulozima u osnivačkom kapitalu pripada pravo na poslovni udio, pravo na učešće u podjeli dobiti, pravo na upravljanje Društvom, obaveza na snošenju poslovnih rizika i obaveza eventualnog pokrivanja gubitka Društva.

Član 21.

Osnivač koji ne uplati-unese ulog definisan ovim ugovorom do krajnjeg roka podnošenje prijave nadležnom registru društava, ima obavezu naknaditi štetu drugom osnivaču.

Član 22.

Osnivač _____ ima, pored uplate osnivačkog uloga, obaveze dodatnih činidbi koje proizlaze iz njegove ponude po osnovu javnog poziva i to :

- iz reda zaposlenih IP "Krivaja" d.o.o. Zavidovići na dan registracije Društva preuzeti _____ radnika, a prema Biznis planu i ponudi ulagača, kako je navedeno u članu ____ ovog Ugovora.*
- obezbjediti finansijsko investiciona sredstva u iznosu od _____ a prema dostavljenom biznis planu u cilju pokretanja i modernizacije proizvodnje,*
- u roku ne dužem od _____ obezbjediti realizaciju investicija po Biznis planu u cilju pokretanja i modernizacije integralne proizvodnje,*
- obezbjediti sredstva u iznosu od radi konsolidacije obaveza IP "Krivaja" d.o.o. Zavidovići (PIO, zaostale plaće i sl, a sve prema ponudi ulagača)*

OVAJ ČLAN ĆE BITI PRECIZNO DEFINISAN PREMA PONUDI ULAGAČA

Član 23.

Ugovorne strane su saglasne da Društvo ima pravo u slučaju nedostajućih sredstava za investiciju, rekonstrukciju, modernizaciju, zadužiti se za kredite uz obezbjeđenje hipotekom na nekretninama i založnim pravom na opremom, mašinama.

Član 24.

Ugovorne strane su saglasne da odredbe ovog ugovora kojima se određuju ulaganja osnivača društva, posebno odredbe 16, 19 i 22. predstavljaju bitan element ovog ugovora, te da će za slučaj eventualne povrede bilo koje od tih odredbi biti postupljeno kako je predviđeno u članu 29. ovog Ugovora.

Član 25.

Osnovni kapital u Društvu se može povećavati na osnovu odluke osnivača, uplatom ili unošenjem novih uloga.

Način promjene visine osnovnog kapitala kao i način i uslovi pristupanja novih članova u Društvo, reguliraće se Statutom Društva.

Član 26.

Član Društva ima pravo shodno Zakonu i Statutu Društva svoj udio ponuditi drugom Osnivaču, pismenom ponudom o uslovima prodaje.

Sva obavještenja vezana za prodaju udjela među osnivačima ostvaruje se pismenim putem.

Član 27.

Ukoliko jedan od članova podnese zahtjev za istupanje iz Društva o istom odlučuje Skupština Društva.

Uslovi za istupanje člana društva su:

- da je uplaćen i unesen ulog u osnovni kapital u cjelosti*
- da su ispunjene obaveze dodatnih činidbi.*

Zahtjev za istupanje Član Društva može podnijeti u svako doba, ali Skupština može dopustiti istupanje samo po usvajanju godišnjeg obračuna za godinu u kojoj je zahtjev podnesen.

Član 28.

Član može biti isključen iz Društva.

- ako ne izvršava obaveze prema Društvu utvrđene Zakonom ili ugovorom,*
- ako nanosi štetu Društvu ili drugom članu Društva*
- ako konkuriše Društvu.*

Odluku o isključenju Člana donosi Skupština.

Postupak isključenja bliže se uređuje Statutom društva.

Član 29.

Osnivač koji u obimu i rokovima određenim ovim ugovorom ne ispunji obaveze uplate-unosa uloga ili ne izvrši dodatne činidbe u rokovima iz ovog Ugovora, zbog čega Društvo nije moglo biti osnovano ili nije moglo ostvariti ciljeve postavljene ovim ugovorom, odgovara drugom osnivaču shodno odredbama Zakona o privrednim društvima i ovog Ugovora.

Član Društva koji ne ispunji obaveze iz prethodnog stava dužan je drugom Članu i Društvu naknaditi štetu kao i platiti ugovornu kaznu u visini 1/2 vrijednosti svog osnivačkog uloga.

Za slučaj neispunjenja obaveze Osnivača iz ovog člana primjenjuju se procedure iz člana 320. Zakona o privrednim društvima.

Isključeni Član Društva gubi sva prava iz udjela i davanja učinjenih na ime uloga, ali ostaje obavezan izvršiti uplatu-unos uloga u cjelosti, zateznih kamata i naknade štete po osnovu docnje.

Društvo može putem suda tražiti ispunjenje obaveze Člana Društva.

Član 30.

Udio isključenog Člana Društva Uprava Društva može izložiti prodaji ako ga uz saglasnost isključenog Člana ne otkupi drugi Član društva.

Iz prihoda od prodaje udjela, Društvo podmiruje troškove prodaje, zatezne kamate, naknadu štete zbog docnje, zaostale (neunesene) uloge, zatim isplaćuje isključenog člana do iznosa izvršenih uplata-unosa.

Član 31.

Uprava Društva može po svom izboru u slučaju neispunjenja obaveze Člana društva po ovom Ugovoru provesti postupak iz prethodnog člana ili postupak prema prethodniku Osnivača propisan članom 322. Zakona o privrednim društvima.

VI ZAPOSLENOST I PRAVA ZAPOSLENIH

Član 32.

Osnivači ovim ugovorom prihvataju obavezu da Društvo preuzme na rad _____ zaposlenika IP "Krivaja" dd Zavidovići, koji su se zatekli u radnom odnosu na dan potpisa ovog ugovora.

Društvo će sa svim zaposlenicima iz prethodnog stava zaključiti ugovore o radu na neodređeno vrijeme i istim garantuje ostvarivanje svih prava i obaveza u skladu sa radnim zakonodavstvom.

Član 33.

_____ se obavezuje da će počevši od dana registracije Društva održavati punu zaposlenost svih preuzetih zaposlenika tj. _____ zaposlenika, te da će u narednom periodu od _____ uposliti još _____ zaposlenika, a prema organizacijskom planu zapošljavanja.

Član 34.

U roku od _____ mjeseci po registraciji Društva (a nakon organiziranja sindikata u Društvu) Društvo će sa Sindikatom zaključiti interni kolektivni ugovor kojim će se urediti pitanja stimulacije zaposlenih vezano za ostvareni obim proizvodnje i prodaje, pitanja mjera sigurnosti na radu, druga prava i obaveze a prema ekonomskim mogućnostima Društva.

VII PRIJENOS I KUPOVINA UDJELA

Član 35.

Udjeli u Društvu su prenosivi. Prijenos udjela vrši se pismenim ugovorom i nasljeđivanjem. Udjeli za koje je vezana dodatna činidba ni pod kakvim uslovima se ne mogu prenijeti bez izričite pismene saglasnosti Društva.

Član 36.

Članovi društva imaju pravo preče kupnje udjela.

Član 37.

Postupak prenosa i prodaje udjela provodi se na način i pod uslovima utvrđenim Zakonom o privrednim društvima i Statutom Društva.

Uprava društva dužna je najkasnije osam dana od dana upisa osnivanja Društva u registar društava uspostaviti knjigu udjela, koja sadrži: ime i prezime ili firmu i adresu prebivališta ili sjedišta članova društva, vrstu i iznos ugovorenog uloga i uplaćeni iznos te posebna prava i obaveze vezane za udio.

Uprava društva dužna je odmah upisati svaku izmjenu podataka u knjizi udjela i te promjene odmah prijaviti za upis u registar društava.

Uprava društva dužna je svake godine podnijeti registru društava spisak članova društva sa visinom njihovih ugovorenih i uplaćenih uloga, najkasnije 30 dana po isteku zakonom utvrđenog roka za sačinjavanje godišnjeg obračuna.

VIII UPRAVLJANJE U DRUŠTVU

Član 38.

Društvom upravljaju Članovima putem Skupštine Društva, Nadzornog odbora i Uprave Društva.

Član 39.

Skupštinu Društva čine Članovi društva.

Ukupan iznos kapitala društva predstavljen je sa 100 glasova, a član društva ima broj glasova srazmjeran njegovom udjelu u osnovnom kapitalu.

Način rada, sazivanje, djelokrug rada, način donošenja odluka na Skupštini reguliraće se Statutom Društva.

Član 40.

Skupština obavezno odlučuje o :

- 1. povećanju i smanjenju osnovnog kapitala,*
- 2. odlučuje o raspodjeli dobiti,*
- 3. načinu pokrića gubitka ,*
- 4. odlučuje o promjeni oblika Društva, spajanju, pripajanju i prestanku Društva,*
- 5. kupovini, prodaji, zamjeni imovine Društva,*
- 6. izboru i razrješenju članova Nadzornog odbora,*
- 7. godišnjem finansijskom izvještaju,*
- 8. Statutu,*
- 9. odlučuje i o drugim pitanjima od značaja za rad Društva.*

Član 41.

Nadzorni odbor sačinjavaju predsjednik i četiri člana, koje imenuju i razrješava Skupština Društva.

Osnivač IP "Krivaja" u Nadzorni odbor predlaže _____ člana, a po prijedlogu Vlade Federacije BiH, a ostala tri člana po prijedlogu osnivača _____.

Osnivači su dužni da glasanjem u Skupštini omoguće izbor članova Nadzornog odbora na način opisan u prethodnom stavu.

Predsjednik i članovi Nadzornog odbora imenuju se istovremeno na period od četiri godine.

Član 42.

Nadzorni odbor društva nadležan je da:

- 1. nadzire poslovanje Društva,*
- 2. nadzire rad Uprave,*
- 3. usvaja izvještaje Uprave o poslovanju po polugodišnjem i godišnjem obračunu sa bilansom stanja i bilansom uspjeha,*
- 4. kontroliše poslovne knjige Društva za potrebe osnivača,*
- 5. podnosi Skupštini Društva godišnji Izvještaj o poslovanju Društva, o svom radu, te predlaže plan poslovanja za narednu poslovnu godinu,*
- 6. imenuje i razrješava Upravu Društva,*
- 7. predlaže raspodjelu i način upotrebe dobiti i način pokrića gubitka,*
- 8. druga pitanja od značaja za rad Društva.*

Član 43.

Poslovanje Društva vodi i Društvo zastupa Uprava.

Poslove Uprave društva vrši direktor i izvršni direktori Društva.

Uprava društva zastupa Društvo bez ograničenja ovlaštenja u okviru registrovane djelatnosti i poslova vanjskotrgovinskog prometa Društva.

Član 44.

Direktor i izvršni direktori Društva imenuju se na period od 4 godine.

Statutom društva bliže se regulira način imenovanja i razrješenja, ovlaštenja i odgovornosti direktora i izvršnih direktora društva.

Član 45.

Uprava Društva u smislu ovog Ugovora obavlja slijedeće poslove:

- 1. organizira process rada,*
- 2. rukovodi radom i poslovanjem Društva,*
- 3. zastupa i predstavlja Društvo,*
- 4. odgovara za zakonitost rada Društva,*
- 5. odlučuje o pravima i obavezama zaposlenika Društva,*
- 6. utvrđuje prijedloge odluka i akata iz nadležnosti Nadzornog odbora Društva,*
- 7. izvršava odluke Nadzornog odbora,*
- 8. učestvuje u radu Nadzornog odbora Društva bez prava odlučivanja,*
- 9. podnosi polugodišnji, godišnji i redovne finansijske izvještaje Nadzornom odboru,*
- 10. daje inicijativne prijedloge po svim pitanjima bitnim za poslovanje Društva, a u skladu sa Zakonom i Statutom Društva,*
- 11. donosi opća akta Društva,*
- 12. vrši druge poslove utvrđene Zakonom i Statutom Društva.*

IX POSLJEDICE NEUSPJELOG OSNIVANJA

Član 46.

U slučaju da se ne izvrše obaveze u cjelini iz ovog ugovora, pogotovo ako se neizvršenjem obaveze ugrozi cilj iz člana 3. ovog ugovora, Članovi međusobno stiču odgovornost za posljedice i štetu koju učine drugom Članu neuspjehom projekta.

Član koji je neizvršenjem svojih obaveza ili docnjom doveo do neuspjelog osnivanja firme, dužan je drugom Članu naknaditi svu materijalnu, nematerijalnu štetu, izgubljenu dobit, sve u skladu sa Zakonom o obligacionim odnosima važećim u vrijeme potpisa ovog ugovora, uz primjenu člana 29. ovog Ugovora.

X PROMJENA OBLIKA I PRESTANAK DRUŠTVA

Član 47.

Društvo počinje sa radom nakon izvršenog upisa u registar društava.

Društvo je osnovano na neodređeno vrijeme i poslovati će dok postoje ekonomski interesi za njegovo poslovanje.

Član 48.

Društvo može izvršiti promjenu oblika ili se spojiti sa drugim društvom istog ili drugog oblika na način kako je to propisano Zakonom o privrednim društvima.

Odluku o spajanju, pripajanju i promjeni oblika Društva, donosi Skupština Društva, na osnovu prethodno utvrđenog plana reorganizacije Društva. Skupština donosi odluku dvotrećinskom većinom glasova svih osnivača.

Izvršena promjena oblika, spajanje ili pripajanje, upisuje se u registar društava.

Član 49.

Društvo prestaje na način i pod uslovima propisanim odredbama člana 365. Zakona o privednim društvima. Odluku o prestanku društva donosi Skupština društva na način i po postupku propisan Statutom Društva.

Odluka o prestanku Društva dostavlja se registru društava, najkasnije osam dana od dana donošenja.

XI NAČIN IZMIRENJA TROŠKOVA OSNIVANJA DRUŠTVA

Član 50.

Troškove osnivanja društva u postupku pribavljanja svih saglasnosti i registracije kod registra društava snose osnivači srazmjerno svojim osnivačkim udjelima i to:

_____	% ukupnih troškova
IP "Krivaja" dd Zavidovići	_____ % ukupnih troškova

Ugovorne strane se obavezuju da iz osnovnog kapitala neće plaćati troškove osnivanja i registracije, niti će ovi troškovi se pripisivati osnovnom kapitalu.

XII OSTALE ODREDBE

Član 51.

Opterećenja na nekretninama i mašinama, a koje se unose kao ulog u novu firmu su prava trećih lica (banke.....), ista su prezentirana osnivaču _____ od strane IP "Krivaja" d.o.o. Zavidovići i IP "Krivaja" d.o.o. Zavidovići garantira da drugih opterećenja osima navedenih nema, te da ne postoje druga opterećenja ili druga ograničenja.

Član 52.

U slučaju da se pojave bilo kakva druga opterećenja za koja osnivač _____ nije znao, niti je mogao znati, a što je od strane drugog osnivača IP "Krivaja" d.o.o. Zavidovići namjerno ili grubom nepažnjom propušteno objaviti, neće biti priznata ukoliko ih _____ izričito dobrovoljno ne prihvati.

Ovakva ograničenja važe i suprotno za drugu stranu.

Član 53.

Uplaćeni novčani ulog osnivača _____ iz člana 15. ovog Ugovora se neće transferisati za potrebe IP "Krivaja" d.o.o. Zavidovići do registracije Društva, osim ukoliko se o tome izričito izjasni i naloži ovlašteni predstavnik _____.

Član 54.

Ugovorne strane su saglasne da će unos osnivačkih uloga i dodatne činidbe obezbjediti sanaciju, rekonstrukciju i obratna sredstva za pokretanje integralne proizvodnje (primarne, polufinalne i finalne prerade drveta), najkasnije u roku od _____ od registracije Društva.

Član 55.

IP "Krivaja" d.o.o. Zavidovići kao osnivač, a ranije registrovana za navedenu djelatnost iz prethodnog člana, izvršiće prenos svih odobrenja za rad postrojenja i proizvodnju a koji su potrebni za početak rada, odnosno predstavljaju kontinuitet za nove dozvole koje će glasiti na Društvo.

Član 56.

Svaka od ugovornih strana će izvršiti dodatne radnje i sačiniti dodatne dokumente koji budu potrebni za ispunjavanje i postizanje punih učinaka odredaba ovog Ugovora i ovim

iskazanih namjera ugovornih strana, posebno će se uzdržati od svih radnji koje bi onemogućile ugovorne strane da okončaju transakcije iz ovog Ugovora.

XIII OKOLNOSTI KOJE SPRJEČAVAJU IZVRŠENJE UGOVORA

Član 57.

Ugovorne strane su saglasne da pod okolnostima koje sprečavaju izvršenje ovog ugovora podrazumjevaju višu silu.

Ugovorna strana kod koje nastupi slučaj više sile, ima pravo na odlaganje izvršenja ovog ugovora, a ako je nemogućnost izvršenja trajnijeg karaktera, na prestanak ugovora.

Slučajevima više sile smatrat će se oni događaji koji su van uticaja i volje ugovornih strana, koje ni pažljiva strana ne bi mogla predvidjeti, izbjeći ili otkloniti, a koji se dese nakon zaključenja ovog ugovora i sprečavaju potpuno ili djelimično izvršenje bitnih ugovornih obaveza. Ti slučajevi su: rat, ratne operacije, pobune, požari, eksplozije, genaralni štrajk, mjere nadležnih organa od uticaja na izvršenje ugovornih obaveza, kao i drugi slučajevi koji nadležni sud ili arbitraža priznaju kao slučajeve više sile.

Ugovorna strana, koja se poziva na slučaj više sile, dužna je drugu ugovornu stranu izvjestiti telefonom u roku od 48 sati o nastanku slučaja više sile. Obavijest o nastanku slučaja više sile mora biti potvrđena i preporučenim pismom, a i potkrepljena vjerodostojnim dokazima izdatim od nadležnih organa.

Ukoliko pogođena strana ne postupi na način iz prethodnog stava, ne može se pozivati na uticaj više sile kao smetnju za izvršenje njenih obaveza.

Ako trajanje više sile bude duže od šest mjeseci, ugovor se raskida automatski, ali ugovorne strane se mogu sporazumjeti o daljem opstanku ugovora.

XIV RJEŠAVANJE SPOROVA I PRIMJENA UGOVORNOG PRAVA

Član 58.

Osnivači se obavezuju da će sve eventualne sporove i nesaglasnosti u vezi sa ovim ugovorom (sva sporna pitanja za osnivanje i funkciju društva) rješavati usaglašavanjem stavova na miran način.

Ukoliko se spor ne bude mogao riješiti na način iz stava 1. ovog člana ugovorne strane su saglasne da je za njegovo rješavanje nadležan sud u sjedištu Društva.

XV PRELAZNE I ZAVRŠNE ODREDBE

Član 59.

Tumačenje ovog ugovora vrše Članovi Društva shodno osnovnim namjerama i ciljevima ugovora.

Član 60.

Ovaj ugovor potpisuju ovlašteni predstavnici Ugovornih strana i direktor Agencije za privatizaciju u Federaciji BiH, kao ovlašteni titular kapitala u IP "Krivaja" dd Zavidovići.

Član 61.

Ovaj Ugovor je sačinjen u 8 (osam) istovjetnih primjeraka, od kojih po jedan primjerak zadržavaju osnivači za vlastite potrebe, dva primjerka za potrebe Agencije za privatizaciju u Federaciji BiH, tri primjeraka koja služe za registraciju i pribavljanje potrebnih saglasnosti i jedan za arhivu Društva.

Član 62.

Ovaj ugovor stupa na snagu danom potpisa ovlaštenih predstavnika ugovornih strana.

ULAGAČ (INVESTITOR)

IP "KRIVAJA" d.o.o. ZAVIDOVIĆI
